

Nakon provedenog konkurentskog postupka nabavke revizorskih usluga za potrebe Javne ustanove „Služba za zapošljavanje Kantona Sarajevo“ Sarajevo,

#### UGOVORNE STRANE

1. Javna ustanova „Služba za zapošljavanje Kantona Sarajevo“ Sarajevo, sa sjedištem u Sarajevu, ulica Đoke Mazalića broj 3, zastupana po direktoru Nermin Pećanac, dipl. pravnik (u daljem tekstu: Naručilac) i
2. Baker Tilly Re Opinion doo, sa sjedištem u Sarajevu, ulica Grbavička broj 4, zastupan po direktoru Nihad Fejzić, ID 4200960550009, Transakcijski račun 1610000045270008 (u daljem tekstu: Izvršilac)

Zaključile su dana \_\_\_\_\_ u Sarajevu

#### UGOVOR

**o vršenju predrevizorskih radnji i revizije finansijskih izvještaja  
Javne ustanove „Služba za zapošljavanje Kantona Sarajevo“ Sarajevo  
za period od 01.01.2019. do 31.12.2019. godine**

##### Član 1.

Predmet ovog Ugovora je vršenje predrevizorskih radnji i revizije finansijskih izvještaja Javne ustanove „Služba za zapošljavanje Kantona Sarajevo“ Sarajevo za period od 01.01.2019. do 31.12.2019. godine, u skladu sa Ponudom, broj: 20/19-4877 od 18.11.2019. godine, koja čini sastavni dio ovog Ugovora.

##### Član 2.

Ukupna vrijednost ugovora, sa popustom bez PDV – a iznosi 10.000,00 KM (slovima: desethiljada i 00/100 KM).

##### Član 3.

Plaćanje ugovorenog iznosa iz člana 2. ovog Ugovora će se izvršiti u roku od 30 (trideset) dana od dana ispostavljanja fakture na transakcijski račun Izvršioca, broj: 1610000045270008 otvoren kod Raiffeisen Bank dd Sarajevo.

##### Član 4.

Izvršilac prihvata obavezu da poslove iz člana 1. ovog Ugovora izvrši prema tehničkoj specifikaciji i pravilima struke za ovu vrstu posla.

Izvršilac se obavezuje da će ugovorene poslove izvršiti najkasnije do 15.02.2020. godine i da će po obavljenju revizije sastaviti Izvještaj o obavljenju reviziji koji će sadržavati mišljenje revizora.

#### Član 5.

Izvršilac posla obavezuje se da će u roku od 10 dana od dana zaključivanja ugovora dostaviti garanciju za uredno izvršenje ugovora u iznosu od 10% vrijednosti ugovora u obliku безусловne bankarske garancije.

Garancija za uredno izvršenje ugovora se predaje u roku od 10 dana od dana zaključivanja ugovora.

U slučaju da Izvršilac ne dostavi garanciju za uredno izvršenje ugovora, zaključeni ugovor se smatra apsolutno ništavim.

#### Član 6.

Naručilac posla može, zbog neispunjenja ugovorenih obaveza obavijestiti Izvršioca posla pisanim putem o neizvršavanju obaveza i time raskinuti ovaj ugovor.

#### Član 7.

Sve eventualne nesporazume nastale u realizaciji ovog Ugovora, ugovorne strane će nastojati da riješe međusobnim dogovorom, a u slučaju spora nadležan je sud u Sarajevu.

#### Član 8.

Ovaj Ugovor sačinjen je u 4 (četiri) istovjetna primjerka od kojih svaka ugovorna strana zadržava po 2 (dva).

#### Član 9.

Ugovor stupa na snagu kada ga potpišu ovlašteni predstavnici ugovornih strana.

#### NARUČILAC

JU „Služba za zapošljavanje Kantona Sarajevo“  
Sarajevo  
Nermin Pećanac, dipl. pravnik, DIREKTOR

Broj: 010/19-4915  
Sarajevo, 18.12.2019.

#### IZVRŠILAC


Baker Tilly Re Opinion doo  
Sarajevo  
Nihad Fejzić, DIREKTOR

Broj: 996/A/19-4915  
Sarajevo, 18.12.2019.



*Handwritten signature*





Broj: 01-01-3957/19 JN  
Datum: 03.12.2019. g.

Na temelju člana 64. stav 1. tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), člana 13. stav 2. Pravilnika o javnim nabavkama roba, usluga i radova u Javnoj ustanovi „Služba za zapošljavanje Kantona Sarajevo“ Sarajevo, broj: 05/1-0544-UO/15 od 30.03.2015. godine i 09/1-3012-UO/17 od 29.12.2017. godine, na Preporuku Komisije za nabavku, broj: 09/3-3853/19 JN od 20.11.2019. godine, u postupku nabavke revizorske usluge za potrebe Javne ustanove „Služba za zapošljavanje Kantona Sarajevo“ Sarajevo, direktor Javne ustanove „Služba za zapošljavanje Kantona Sarajevo“ Sarajevo *donio je*

## ODLUKU

### o izboru najpovoljnijeg ponuđača

#### Član 1.

Prihvata se Preporuka Komisije za nabavku, broj: 09/3-3853/19 JN od 20.11.2019. godine i ugovor za javnu nabavku revizorskih usluga za potrebe Javne ustanove „Služba za zapošljavanje Kantona Sarajevo“ Sarajevo, dodjeljuje se ponuđaču Baker Tilly Re Opinion doo, ponuda broj: 20/19-4877 od 18.11.2019. godine, za ponudenu cijenu od 10.000,00 KM, po kriteriju za dodjelu ugovora najniža cijena.

#### Član 2.

Prijedlog ugovora dostavit će se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

#### Član 3.

Za izvršenje ove odluke zadužuje se i ovlašćuje Jedinica za nabavke.

#### Član 4.

Ova odluka objavit će se na web-stranici [www.szks.ba](http://www.szks.ba), istovremeno s upućivanjem ponuđačima koji su sudjelovali u postupku nabavke, shodno članu 70. stav 6. Zakona o javnim nabavkama.

#### Član 5.

Odluka stupa na snagu danom donošenja i dostavlja se svim ponuđačima koji su sudjelovali u postupku nabavke, shodno članu 71. stav 2. Zakona o javnim nabavkama.

## Obrazloženje

Postupak javne nabavke za dostavljanje ponuda za nabavku usluga – revizorske usluge Javne ustanove „Služba za zapošljavanje Kantona Sarajevo“ Sarajevo (u daljem tekstu: Služba), pokrenut je Odlukom direktora Službe, broj: 01-01-2126/19 od 03.07.2019. godine, putem konkurentskog postupka, za koji je obavještenje o javnoj nabavci objavljeno na Portalu javnih nabavki, broj: 774-7-2-70-3-7/19 od 04.11.2019. godine. Procjenjena vrijednost javne nabavke je 12.820,00 KM bez uključenog PDV-a, za šta su novčana sredstva predviđena u Finansijskom planu za 2019. godinu i projekciji za 2020. godinu.

S obzirom da je tačkom 22. Tenderske dokumentacije navedeno da je rok za dostavljanje ponuda 19.11.2019. godine do 11:00 časova, te da se ponude dostavljaju u zatvorenoj koverti, Komisija za nabavke je dana 19.11.2019. godine sa početkom u 11:30 časova izvršila javno otvaranje ponuda prema datumu i vremenu prijema, numerišući kovertu.

Javnom otvaranju ponuda nije prisustvovao niko od predstavnika ponuđača.

Blagovremeno je jedan ponuđač dostavio ponudu koja je ujedno i jedina pristigla i to kako slijedi:

| Broj protokola ugovornog organa | Redni broj omotnice ponude | Naziv/ ime dobavljača         | Omotnica sa ponudom ispravno zatvorena (zapečaćena ili potpisana) ( da / ne ) | Ukupna cijena ponude (bez PDV) | Ponuđeni popust |
|---------------------------------|----------------------------|-------------------------------|-------------------------------------------------------------------------------|--------------------------------|-----------------|
| 09/3-55-JN/19                   | 1                          | Baker Tilly Re Opinion d.o.o. | DA                                                                            | 10.000,00 KM                   | NE              |

Komisija je nakon otvaranja ponude u smislu člana 63. st. (5) i (6) Zakona o javnim nabavkama BiH („Službeni glasnik BiH“, broj: 39/14) (u daljem tekstu: Zakon) sačinila Zapisnik o zaprimanju i zapisnik o otvaranju ponuda i isti u roku od tri dana, od dana otvaranja, dostavila ponuđaču.

Postupak je dalje nastavljen istog dana od 12:00 časova u smislu pregledavanja dokumentacije, u cilju ocjenjivanja ponuđača, te njegove kvalifikovanosti shodno uslovima navedenim u Tenderskoj dokumentaciji.

Komisija za nabavke je utvrdila da ponuđač „Baker Tilly Re Opinion“ d.o.o. ispunjava kvalifikacione uslove u pogledu osnovnih elemenata ponude navedenih po Tenderskoj dokumentaciji.

Nakon pregledavanja dokumentacije priložene uz dostavljenu ponudu, Komisija je u smislu člana 65. st. (1) i (2) Zakona ocijenila ponudu ponuđača kao kvalifikovanu, primjenjujući kriterij najniže cijene ponude iz tačke 19. Tenderske dokumentacije.



Provođenje e-aukcije je predviđeno Tačkom 5. Tenderske dokumentacije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16), ali Komisija konstatuje da u skladu sa članom 3 Pravilnika, e-aukcija se neće provoditi jer je zaprimljena samo jedna ponuda koja je ocijenjena kao kvalifikovana i prihvatljiva.

Imajući u vidu gore navedeno, primjenom člana 64. stava 1. tačka b) Zakona, te člana 13. stav 2. Pravilnika o javnim nabavkama roba, usluga i radova u Službi, broj: 05/1-0544-UO/15 od 30.03.2015. godine i 09/1-3012-UO/17 od 29.12.2017. godine odlučeno kao u dispozitivu.

**Pouka o pravnom lijeku:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



Dostaviti:

- Učesnik/cima postupka javne nabavke,
- Komisija za nabavke,
- Evidencija,
- A/a.

Sarajevo, Đoke Mazalića 3,

web-stranica: [www.szks.ba](http://www.szks.ba); e-mail adresa: [info@szks.ba](mailto:info@szks.ba)

Tel/::++387 (33) 569-100, fax: 204-177; Matični broj: 4200304610003;

Poreski broj: 01079085; Računi Intesa Sanpaolo Banka d.d. Sarajevo:  
1549212010171056-depozitni račun, 1540012000135120-transakcijski račun

